




Ang Banagbanag

Ang Mantalaan sa Presensya ni Kristo

The Dawn in the Cebuano dialect

Lagda sa Maayong Pamuyo

Yabeng Bersikulo:
“Dili ka magsunod sa
usa ka panon sa
katawhan sa pagbuhat
ug dautan; dili ka usab
magsaksi sa usa ka
buruka kuyog sa usa
ka panon sa katawhan
aron sa pagtuis sa
katarungan”
—Exodo 23:2

Piniling Sulat:
Exodo 22:1 – 23:9

NAKATALA NIINI NGA MGA KAPITULO sa Exodo ang paghatag sa Diyos sa Balaod nga Tugon sa Israel, ang iyang pinili nga katawhan. Ilabina ang paagi sa pagsunod sa kamandoan sa Diyos sa mga butang kabahin sa mga inadlaw nga gimbuhaton sa kinabuhi gidetalye gayud niini nga pagsaysay. Kini nga mga balaod adunay mga probisyon nga nagprotektar sa mga maluya, langyaw ug sulogoon. Ang kalisod kaniadto ug karon mao ang nagpaubos nga dalan sa kadautan. Kini nga paglakaw padung sa ubos gibase sa kahakog, nga sukwahi sa mga gitudlo sa Balaod nga gihatag sa Israel, ingon man sa balaod sa paghigugmaay nga maoy

angayan nga mga lakang sa mga sumusunod sa Ginoo sa ilang pag kinabuhi. Sa kanunay nga gakahitabo, ang uban sa kalibutan nag kinabuhi taas lamang gamay sa ang-ang ug ang uban anaa ubos sa ang-ang sa ilang kinaiya. Ang buot ipasabot niini mao nga adunay uban nga nakahimo ug pagpugong sa ilang kahakog. Ilang gipaninguha nga mulantaw sa kaangayan ug makapugong sa kaugalingon. Ang uban nahitumpawak sa pagkadautan ug pagpanglupig. Sa bisan asa paman nga sitwasyon, ang kalagmitan mahitabo mao ang padulong sa ubos. “Daku ang pultahan ug sangkad ang dalan nga padulong sa kapildihan, ug daghan ang nagasulod agi niini.”—Mateo 7:13

“Mga Bag-ong Nilalang” ni Kristo Hesus kinahanglan magsunod sa taas nga panig-ingnan. Dili gayud sila moadto ubos sa katarong ug kaangayan, ug kinahanglan maningkamot nga molabaw pa sa pinakataas nga panig-ingnan dinhi sa kalibutan padulong sa hingpit nga gugma. Ang matood nga anak sa Diyos kada adlaw maningkamot nga magkinabuhi sa

pulong ni Hesus sa sunod nga bersikulo, “Kay masigpit ang pultahan ug hiktin ang dalan nga padulong sa kinabuhi, ug diyutay ra ang mga nakatultol niini.” (Bers. 14) Gamay ra ang makakita sa hiktin nga dalan tungod sa kamatuoran nga ang tanang katawhan natawo ubos sa kapin kon kulang walay palad ug dili maayo kahimtang. Ug ang resulta, ang kadaghanan sa katawhan kada adlaw nawad-an ug gahum aron pagsanta ug makalikay paghimo sa mga daotan ug nagpadayon nga nahilayo nga makaila sa tinood ug buhing Diyos. Hinoon, gipahimangnoan ang mga sumusunod sa dalan sa Ginoo, “Apan mao hinooy pangitaa ninyo ang gingharian sa Diyos, ug unya kining mga butanga igadugang ra kaninyo.”—Lucas 12:31

Kini ang sayop sa sistema , nga diin ang tawo mapugos ug bati ug makanunayon nga pakigkumpetinsya sa usag usa, ug nahitabo ubos sa impluwensya ni Satanas, daghan sa katawhan namahimong sumusunod niya nga misunod sa bul-og, ug ang resulta naghimo ug sayop nga desisyon. Mao kana ang sayop sa hunahuna sa katilingban karon. Sa kinatibuk-ang kaagi sa tawo, ang tawo kalagmitan mosulay ug himo sa sayon nga paagi pagsulbad sa ilang problema, nga maoy nakadugang ug hulog kanila sa sala. Matood, si Apostol Pablo miingon, “Sanglit nakasala man ang tanan ug nakabsan sa himaya sa Diyos.”—Roma 3:23.

Walay gahum nga maka pahusto, kontrolar o maka usob sa tanang kalisdanan nga ania sa atong kalibutan karon kon dili ang solusyon lamang nga gisaad sa Diyos—ang umalabot nga gingharian sa iyang pinalanggang Anak. Ang mga pulong pagpasidaan nga gitumong alang sa simbahang klase sa atong kapanahunan karon diin atong makita sa Efeso 5:1 mamahimo pod nga tinood sa yuta: “Busa magmaawaton kamo sa Dios, ingon nga mga anak nga pinalangga.” Mao kini siya ang tinood sa gingharian ni Hesus sa Milenyo, diin ang katawhan malingkawas sa pagkagapos ug pagtunglo. “Niadtong mga adlaw sila dili na mag-ingon pag-usab: Ang mga amahan nakakaon ug maaslom nga parras, ug ang mga ngipon sa mga anak may kangilo.” (Jer. 31:29) Ang tawo mahigawas na ubos sa mando sa dakong dautan, si Satanas, ug ang balaod nianang adlaw, nga maoy itudlo ug ipatuman, mao ang balaod sa paghigugmaay.

Pagpuyo Isip Matarong nga Katawhan sa Diyos

Yabeng Bersikulo:
“Ang dumuloong nga
nagapuyo uban
kaninyo pagahimoon
ninyo ingon sa
molupyo sa taliwala
ninyo, ug higugmaon
mo siya ingon sa imong
kaugalingon; kay
naglumalangyaw kamo
sa yuta sa Egipto. Ako
mao si Jehova nga
inyong Dios.”
—Levitico 19:34

Piniling Sulat:
Levitico 19:9-18, 33-37

SA PAGPADAYON NATO SA ATONG PAGTOON mahitungod sa paghatag sa Diyos ngadto sa iyang katawhan, ang atong leksyon karon nagkonsiderar sa iyang mga probisyon para sa pagtratar niadtong dili mga anak sa Israel. Angay usab natong hinumduman nga kini nga parte sa probisyon sa balaod nag konsiderar sa mga nanginahanglan, kaaway, langyaw, hayop, mga tigulang, sulugoon, ug ang mga dumuloong. Sila ang mga hingtungdan niining espesyal nga pamalaod. “Dili mo pagdaugdaugon ang mamomoo nga kabus ug adunay kinahanglan, bisan siya usa sa imong mga igsoon, bisan sa mga dumuloong nga anaa sa imong yuta sulod sa imong mga ganghaan.” (Deut. 24:14) “Ug dili mo lupigan ang dumuloong: kay kamo nanghibalo kong

unsa ang kasingkasing sa dumuloong, kay nagdumuloong na kamo sa yuta sa Ehipto.” (Exod. 23:9) Uban pang importanteng balaod nga gisaysay mao ang pagtrato sa silingan o isig katawo. “Dili mo paglimbongan ang imongkatawo, ni pagkawatan mo siya..apan magakahadlok ka sa imong Diyos, Ako mao si Jehova.” (Lev. 19:13,14) Kining tanan nga mga balaod nga gimugna diha kang Moses ubos sa kamanduan sa Langitnong Amahan, kinahanglan nga istriktong ipasunod ug ipatuman sumala pa sa kasulatan.

Kini nga mga tinuyo nga mando wala gihatag sa espirtuhanong Israel, kon dili sa natural nga Israel lamang. Bisan pa man, imposibleng hunahunaon nga ang Diyos dili maghatag ug susamang kamanduan para sa mga espirtuhanong mga anak para magpuyo sa kinabuhing sama kaniya. Kon anaa na kanato ang Espiritu Santo ug gitan-aw kita sa atong Langitnong Amahan nga iyang mga anak, gikinahanglan nga mosunod kita sa mga gitudlo sa iyang Balaang Pulong. Kada usa kanato, pinaagi sa mga mando nga gihatag ngadro sa natural nga Israel, makakab-ot ug klaro nga pagsabot sa konsepto sa maayo ug dautan sa tanang butang nga adunay kalabutan sa atong isig katawo. Gani, kini gipakita sa kamanduan nga maoy suma total sa daghan pang uban—“Higugmaon mo ang imong isigkatawo ingon sa imong kaugalingon.” (Lev. 19:18) Isip nalangkuban na sa Diyos Espiritu Santo, ang espirtu sa gugma ngadto sa tanan, pinaagi sa pagtoon sa mga kasugoan, maka kat-on paghimo sa mga butang nga tugob sa gugma ngadto sa uban .

Pinaagi sa grasya sa Ginoo, gikinahanglan nato nga mudangop kita niining makahatag kanato ug kaayohan nga mga kasugoan sa Amahan, aron makatakdo kita sa iyang perpektong sumbanan sa atong kasingkasing. Dugang pa, kinahanglan himoon nato ang tanan sa paghimo niining mga butanga, kutob sa atong mahimo, sa atong mga lihok ngadto sa tanang tawo nga atong mahimamat. “Hinoon tumana ninyo ang pulong, ug dili kay magpaminaw ra kamo niini, nga sa ingon ginalimbongan kamo sa inyong kaugalingon.” (Santiago 1:22) Gitawag kita aron mamunga ug daghan, nga maglakaw sa hagip-ot nga dalan sa pagbiya sa kaugalingon, pag-antus, ug kausaban sa kinaiya. Angay natong pangitaon ang mga doktrina ug prinsipyo sa balaang pulong, ug atong tukuron ang atong pagtoo diha sa tinood ug lig-on nga pundasyon. “Kadtong nagabaton sa akong pulong pasultiha siya sa akong pulong sapagkamatinumanon.” (Jer. 23:28) Kini nga bersikulo nagpakita sa kaimportante sa pagsunod sa maayong dalan sa pulong sa Diyos, ug usab kita dayon matinud-anon nga musangyaw, pinaagi sa pulong ug sa buhat, ug ang mga maayong resulta ngadto sa uban. Ang linugdangan niining tanang pagkamasinundanon nato gipakita niining mga pulonga: “Busa, sa mabatonan ta ang kahigayonan, buhaton ta ang maayo ngadto sa tanang mga tawo, ilabi na kanila nga mga sakop sa panimalay sa pagtoo.”—Gal. 6:10

Sauloga ang Hubileyo

***Yabeng Bersikulo: “Ug
pagabalaanon ninyo
ang ikakalim-an ka
tuig, ug igamantala
ninyo ang kagawasan
ngadto sa tibook nga
yuta alang sa tanang
mga pumoluyo niini:
kini mamao ang
tinghugyaw alang
kaninyo; ug
managbalik kamo ang
tagsatagsa ka tawo
ngadto sa iyang
kaugalingong yuta, ug
ang tagsatagsa
magbalik sa iyang
panimalay.”
—Levitico 25:10
Piniling Sulat:
Levitico 25:8-55***

**ANGAYAN NGA ATONG
HINUMDUMAN**, sa atong pagsugod
niini nga leksyon, ang kamatuoran mao
nga ang mga balaod sa ginaingon nga
mas nauswag nga sibilisasyon wala
maghatag ug maayo nga prinsipyo tali
sa adunahan ug kabus diha sa hustisya
ug kaangayan atubangan sa otoridad
ug balaodnon. Ang Diyos sa hingpit
wala nagtugot nga adunay pinili sa
iyang balaod nga gihatag niya pinaagi
kang Moses ngadto sa Israel. Para sa
proteksyon sa mga kabus nga musamot
nga mahimong kabus ug ang adunahan
musamot ka adunahan ug gamhanan,
walay lain nga balaodnon sa
nagkadaiyang nasod nga gihimo nga
nagbantay niini nga mga punto. Una sa
tanang, ang tanang nga mga balaodnon
napahibalo ang publiko, nga nagsanta
sa mga tawo nga magmalampuson sa
pag kubi sa katungod sa katawhan.
Kini nga mga balaod gipahayag ngadto
sa katawhan sa pamaagi nga bisan ang
pinaka pobre ug pinaka walay kahibalo
dili mahimong ignorante niini. Tipik sa
parte sa mga buluhaton sa mga pari

mao ang pagbasa sa mga balaod sa panahon sa ilang kapistahan. “Sa
tapus sa matag-pito ka tuig, ... Sa moduol ang tibook nga Israel
pagpangatubang sa atubangan ni Jehova nga imong Dios sa dapit nga

iyang pagapilion, pagabasahon mo kini nga Kasugoan sa atubangan sa tibook nga Israel sa mga igdulungog nila.”—Deut. 31:10,11

Dugang pa sa pagbasa niini sa mga pari kada pito ka tuig, ang Balaod ni Moses nga gihimo para sa panag-uli kada kalim-an ka tuig. Mao ang kini ang tuig sa Hubileyo o Pagsadya. Kini nga hiyas sa balaod gihimo para malikayan ang pagkawagtang ug pagkabalhin sa mga kayutaan gikan sa mga kabus nga napugos lamang pagbaligya sa ilang mga kayutaan, ug sa ingon niini malikayan usab nga madugangan pa ang maangkon nga yuta sa mga pipila lamang ka mga adunahan. (Lev. 25:9,13-23) Kada kalim-an ka tuig mao ang tuig sa Hubileyo, diin ang tanang kayutaan nga nabaligya ibalik ngadto sa orihinal nga tag-iya. Uban pa niini, ang balaod sa Hubileyo nagtudlo sa tanang katawhan nga sila maga isip sa usag usa nga managsoon, bisan unsa paman ang iyang kahintang, ma adunahan man o makabus. Sa niini nga proseso, ang katawhan magtinabangay sa usag usa nga walay bayad ug dili maga patubo sa kwarta nga gipahulam sa lain nga tawo. “Kong ikaw magapahulam ug salapi sa bisan kinsa sa akong katawohan nga kabus nga anaa uban kanimo, dili ka makigsama sa magpapautang kaniya, ni magapaulos ka kaniya tungod sa tubo.”—Exod. 22:25; Lev. 25:36

Sa Plano sa Diyos, adunay madako nga katumanan mahitungod sa Hubileyo o panag-uli. Kini nga pag han-ay sa Kasugoan naga punting ngadto sa: “Ayaw na kamo kalisang; kay tan-awa, gidad-an ko kamog maayong balita sa dakung kalipay nga magaabut sa tanang mga tawo.” (Lucas 2:10) Ang katumanan niining maayong balita sa tanang katawhan makab-ot pinaagi sa “panag-uli sa tanang butang”. (Buhat 3:19) Kini nga proseso, ubos sa pagdumala ni Kristo sa iyang gingharian, mao ang kagawasan sa tawo gikan sa orihinal nga sala ni Adan. Ang Hubileyo naga punting ngadto sa kahingpitan sa plano sa Diyos, diin ang tibook buluhaton sa panag-uli mahuman inig tapos sa gingharian. Kada nilalang sa langit ug sa yuta maga dayeg ug maghatag pasidungog ngadto “kaniya nga nagalingkod sa trono ug ngadto sa Cordero, ang pagdalayeg ug ang kadungganang ug ang himaya ug ang gahum hangtud sa kahangturan!” (Pinadayag 5:13) Ang Kristo, ulo ug lawas, makatapos sa buluhaton sa Diyos para sa katawhan sa hingpit ug dayon itugyan ang gingharian ngadto sa Amahan. “Silang tanan managpakaila kanako, gikan sa labing

diyutay kanila ngadto sa labing daku kanila, ... ug dili ko na gayud hinumduman ang ilang sala”—Jer. 31:34

Ang Kasingkasing sa Kasugoan

Yabeng Bersikulo: “Ug karon, Israel, unsa ang gikinahanglan ni Jehova nga imong Dios kanimo, kondili ang pagkahadlok kang Jehova nga imong Dios, ang paglakaw sa tanang mga dalan niya, ug ang paghigugma kaniya, ug ang pag-alagad kang Jehova nga imong Dios sa bug-os mong kasingkasing, ug sa bug-os mong kalag. Ang pagbantay sa mga sugo ni Jehova ug sa iyang kabalaoran, nga akong ginasugo kanimo niining adlaw alang sa imong kaayohan?”
—Deuteronomio 10:12,13

Piniling Sulat:
Deuteronomio 10:1-22;
16:18-20

SUNOD SA GIHATAG
NGA Kasugoan ngadto sa Israel, Ang Langitnong Amahan nagsugo sa iyang mga pinili nga magmatinud-anon kaniya, higugmaon siya ug magkinabuhi sama kaniya. SA pagtuman niini, adunay mga gikinahanglan para sa katawhan sa Diyos, kaniadto ug karon, nga itago nila sa ilang dughan. Una, kung nagtinguha kita nga “maglakaw diha sa iyang gawi” dapat natong ipakita ang pag ila sa iyang kadako, uban sa pagsabot, nga kita walay bili ug dako ug kakulangan kung dili kita niya magiyahan. Angay natong ipakita ang atong gugma ug pasalamat sa iyang kalooy. Angay nato biyaan ang atong mga kaugalingong panghunahuna ug plano ug tugotan nato ang atong kaugalingon nga maghunahuna sa katahom sa kinaiya sa Diyos ug ang kaalam sa iyang pamaagi. Kini ang magdala kanato nga maka angkon ug husto nga pagrespeto sa Diyos ug sa iyang balaanong kahan-ayan.

“Ang pagkahadlok kang Jehova maoy sinugdan sa kaalam; Ug ang kahibalo niadtong Balaan mao ang pagsabut.” (Panultihon 9:10) Ang

husto nga pagsabot sa pulong “kahadlok” niini nga bersikulo nagpahayag

nga angay natong tahuron ang atong Langitnong Amahan para maka angkon kita ug kaalam. Kini nga mga pulong nagpasabot usab nga ang atoong pag tahod sa Diyos magadako samtang maga dugang an gang atong pag-ila kaniya. Importante kini siya sa atong pakigrelasyon sa Langitnong Amahan sa giitudo kanato sa Deuteronomio 10:20 “Mahadlok (Magtahod) ka kang Jehova nga imong Dios; kaniya mag-alagad ikaw; kaniya makighiusa kaban pang u ug pinaagi sa iyang ngalan manumpa ka.” Gipakita usab kini siya sa mga pulong, “Kahadloki (Tahora) ang Dios, ug bantayi ang iyang mga sugo; kay kini mao ang tibook nga katungdanan sa tawo.” (Eccles. 12:13) Kini nga mga kasulatan ug daghn pang uban, p nga adayon nagatudlo kanato nga kinahangla ang atong mga kasingkasing ug katuyoan mahinlo. “Ampingi ang imong kasingkasing sa tanang paningkamot; Kay gikan niini magagula ang dagkung butang sa kinabuhi.”—Panultihon 4:23

Atong mahinumduman ang mga pulong sa atong Ginoo: “Higugmaa ang Ginoo nga imong Dios sa tibuok mong kasingkasing, ug sa tibuok mong kalag, ug sa tibuok mong salabutan. Mao kana ang daku ug unang sugo. Ug ang ikaduha susama ra, nga mao kini, Higugmaa ang imong silingan sama sa imong kaugalingon. Niining duha ka mga sugo nagasukad ang tibuok nga kasugoan ug ang mga propeta.” (Mateo 22:37-40) Ang atong kasabotan sa Diyos mao nga ato siyang higugmaon sa tibook natong kasingkasing, hunahuna ug kusog. Gikinahanglan kitang magpuyo sa iyang mga lagda uban sa espirito sa atong mga hunahuna taman sa atong mahimo, ug kini possible lamang mahimo uban sa pagtabang sa kahitas-an. Magtinguha kita nga magpuyo sa kinabuhi nga matinud-anon ug matinumanon para balos sa mahal nga dugo nga milukat kanato. “Ako gisul-oban niya sa kupo sa pagkamatarung.”—Isaias 61:10

Sa paningkamot nato nga higugmaon nato ang atong Langitnong Amahan sa tibook natong pagkatawo, ato usab itagana ang atong kinabuhi para sa atong kaigsoonan. Kini nga kinaiya makapahimuot sa Diyos, segun sa makita nato sa iyang mga pulong: “Walay bisan kinsa nga may gugma nga labaw pa niini, nga ang usa ka tawo magahalad sa iyang kinabuhi sa pagpakamatay alang sa iyang mga higala. Kamo mga higala nako kon magatuman kamo sa akong isugo kaninyo.” (Juan 15:13,14) Ang pagsunod ni Hesus niining paagiha nagpasabot nga

pangitaon nato ang paglakaw sa iyang dalan, ug maningkamot, sama kaniya nga dawaton ang mga pahimangno gikan sa Diyos. Sa minubo nga pagpasabot, atong hinumduman ang mga pulong: “Ang kahadlok kang Jehova malinis, nga nagapadayon sa walay katapusan: Ang mga tulomanon ni Jehova mga matuod, ang tanan lonlon matarung.”—Salmo 19:9